

ქ. თბილისი

27 აპრილი 2021 წელი

ერთი მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის გრიგოლ მანდარიას სახით და მეორე მხრივ შპს „ერნსტ & იანგი“ (შემდგომში - „მიმწოდებელი“) წარმოდგენილი მისი დირექტორის რუსლან ხოროშვილის სახით საქართველოს მოქმედი კანონმდებლობისა და პრეტენდენტის სატენდერო წინადადების საფუძველზე **SPA210000950** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - „ხელშეკრულება“) შემდეგზე:

### **1. გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვს იგივე მნიშვნელობა, რაც სახელმწიფო შესყიდვების შესახებ კანონსა და მის საფუძველზე გამოცემულ სახელმწიფო შესყიდვების სააგენტოს თავმჯდომარის სახელმწიფო შესყიდვების მარეგულირებელ სხვა კანონქვემდებარე ნორმატიულ აქტებში.

### **2. შესყიდვის ობიექტი**

**2.1.** წინამდებარე ხელშეკრულების საგანს წარმოადგენს - შპს „საქართველოს გაერთიანებული წყალმომარაგების კომპანიის" 7 თანამშრომლისთვის IFRS სტანდარტების სრული ზოგადი კურსის (CPV 80500000 - სატრენინგო მომსახურებები; CPV 80510000 - მომსახურებები სპეციალისტების მომზადების სფეროში) შესყიდვა (შემდგომში - „მომსახურება“);

**2.2** ტრენინგი უნდა აკმაყოფილებდეს შემდეგ მოთხოვნებს;

- ა) მიმწოდებელმა უნდა განახორციელოს სატრენინგო მომსახურება IFRS სტანდარტებში (შემდგომში ტრენინგი) – 1 ჯგუფისთვის, ჯგუფის შემადგენლობა - 7 თანამშრომელი;
- ბ) ტრენინგი უნდა მოიცავდეს შემდეგ სტანდარტებს: IFRS – 3, 7, 9, 10, 13, 15, 16 და IAS - 1, 2, 7, 8, 10, 16, 20, 21, 23, 32, 36, 37, 38, 39.
- გ) მიმწოდებელმა უნდა უზრუნველყოს დამკვეთის საჭიროებებზე მორგებული სრულყოფილი სატრენინგო სილაბუსის შემსყიდველისთვის მიწოდება, ხელშეკრულების გაფორმების შემდეგ, შემსყიდველის მოთხოვნის შესაბამისად, ტრენინგის დაწყებამდე.
- დ) სატრენინგო მასალა უნდა მოიცავდეს როგორც თეორიულ ასევე პრაქტიკულ კურსს.
- ე) მიმწოდებელმა უნდა უზრუნველყოს სატრენინგო თემის წაკითხვა ქართულ ენაზე;
- ვ) მიმწოდებელმა უნდა მოამზადოს ტრენინგის სრულყოფილი, ვრცელი სასწავლო მასალა, რომლის ელექტრონული ვერსია გადაეცემა ტრენინგის თითოეულ მონაწილეს; სასწავლო მასალის ელექტრონული ვერსია უნდა გადაეცეს შემსყიდველს ტრენინგის ჩატარებამდე ყველაზე მცირე 2 (ორი) დღით ადრე.
- ზ) ტრენინგის ბოლო დღეს, თითოეულ მონაწილეზე უნდა მომზადდეს და მონაწილეს გადაეცეს ტრენინგის გავლის დამადასტურებელი ორენოვანი (ქართულ და ინგლისურ ენაზე) დოკუმენტი (სერტიფიკატი).
- თ) ტრენინგის დასრულების შემდეგ ტრენინგის მხრიდან თითოეულ მონაწილეზე უნდა ჩატარდეს ტესტირება, განისაზღვროს ტესტის ჩაბარების ბარიერი და ამ ბარიერის გადალახვის შემთხვევაში გაიცეს სერტიფიკატი.
- ი) მიმწოდებელი ვალდებულია წარმოადგინოს შეფასების მისეული სისტემა, რომლის საბოლოო ფორმა შემსყიდველთან შეთანხმებით დამტკიცდება.
- კ) შემსყიდველის მიერ ტრენინგის არადამაკმაყოფილებლად მიჩნევის შემთხვევაში შესაძლებელი უნდა იყოს ტრენინგის დაუყოვნებლივ ჩანაცვლება, ხელშეკრულების გაფორმების შემდეგ, დამკვეთის არგუმენტირებული მოთხოვნის გათვალისწინებით.

### **3. ხელშეკრულების ღირებულება**

- 3.1.** ხელშეკრულების ჯამური ღირებულება შეადგენს 12 800 (თორმეტი ათას რვაასი) ლარს დღგ-ს გათვალისწინებით;
- 3.2.** ხელშეკრულების ჯამური ღირებულება მოიცავს მომსახურების გაწევასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა სახის გადასახადსა და მოსაკრებელს;
- 3.4.** ხარჯები რომლებიც წინადადების ფასში არ არის გათვალისწინებული არ ექვემდებარება ანაზღაურებას;

### **4. ანგარიშსწორების წესი**

- 4.1.** მიმწოდებელთან ანგარიშსწორება განხორციელდება უნაღდო ანგარიშსწორების ფორმით, საქართველოს ეროვნულ ვალუტაში, ლარში, ხელშეკრულებით გათვალისწინებულ რეკვიზიტებზე;

- 4.2. ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი;
- 4.3. დაფინანსების წყარო: შპს „საქართველოს გაერთიანებული წყალმომარაგების კომპანიის“ 2021 წლის ბიუჯეტის საკუთარი სახსრები;
- 4.4. ანგარიშსწორება განხორციელდება ფაქტობრივად გაწეული მომსახურების შემდეგ, საბოლოო მიღება-ჩაბარების აქტის წარმოდგენიდან 10 (ათი) სამუშაო დღის ვადაში;
- 4.5. წინასწარი ანგარიშსწორება არ გამოიყენება;
- 4.6. ანგარიშსწორებისათვის საჭირო დოკუმენტაცია (გარდა ელექტრონული დოკუმენტაციისა) მიმწოდებელმა შემსყიდველს უნდა წარუდგინოს სათავე ოფისის მისამართზე (ქ. თბილისი, ანა პოლიტკოვსკაიას 5/7).

## **5. შესყიდვის ობიექტის მიღება-ჩაბარების წესი**

- 5.1. მომსახურება გაწეულად ჩაითვლება მხოლოდ კანონმდებლობით დადგენილი წესით განსაზღვრული საბოლოო მიღება-ჩაბარების აქტის გაფორმების შემდეგ;
- 5.2. შემსყიდველის მხრიდან მიღება-ჩაბარების აქტს ხელს მოაწერს შპს „საქართველოს გაერთიანებული წყალმომარაგების კომპანიის“ რეპორტინგის დეპარტამენტის უფროსი;

## **6. მომსახურების გაწევის ადგილი, ვადა და პირობები**

- 6.1. გაწეული მომსახურება უნდა აკმაყოფილებდეს ხელშეკრულების პირობებს;
- 6.2. სატრენინგო კურსი უნდა დაიწყოს ხელშეკრულების გაფორმებიდან არაუგვიანეს 5 (ხუთი) სამუშაო დღის ვადაში;
- 6.3. სატრენინგო კალენდარი შემსყიდველსა და მიმწოდებელს შორის შეთანხმდება ხელშეკრულების გაფორმებიდან 5 (ხუთი) სამუშაო დღის ვადაში. შეთანხმებულ კალენდარში ცვლილებების განხორციელება შესაძლებელი უნდა იყოს მხარეებს შორის შეთანხმებით, ელექტრონული ფოსტის მეშვეობით.
- 6.4. ტრენინგი უნდა ჩატარდეს ქალაქ თბილისში, მიმწოდებლის ტერიტორიაზე, ან ონლაინ სივრცეში ქვეყანაში შექმნილი ეპიდემიოლოგიური სიტუაციიდან გამომდინარე.
- 6.5. ტრენინგის ჯამური ხანგრძლივობა არ უნდა აღემატებოდეს 22 (ოცდაორი) საათს და ამასთან სალექციო საათები არ უნდა ემთხვეოდეს სამუშაო საათებს.

## **7. მხარეთა უფლება-მოვალეობანი**

- 7.1. შემსყიდველი უფლებამოსილია:
- ა) მომსახურების გაწევის დროს განახორციელოს გაწეული მომსახურების ხარისხისა და სხვა პირობების წინამდებარე ხელშეკრულების პირობებთან შესაბამისობის ინსპექტირება;
  - ბ) მოსთხოვოს მიმწოდებელს წინამდებარე ხელშეკრულების ჯეროვანი, დროული და კეთილსინდისიერი შესრულება;
- 7.2. შემსყიდველი ვალდებულია:
- ა) უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში;
- 7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში;
- 7.4. მიმწოდებელი ვალდებულია:
- ა) უზრუნველყოს ხელშეკრულებით გათვალისწინებული მომსახურების გაწევა.
  - ბ) დაიცვას წინამდებარე ხელშეკრულების პირობები;
  - გ) აღუზაფაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

## **8. ხელშეკრულების შესრულების კონტროლი**

- 8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს ხელშეკრულების კონტროლი (ინსპექტირება), რომლის მიზანია გაწეული მომსახურების ხარისხის, მიწოდების ვადების და სხვა კრიტერიუმების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან;
- 8.2. ხელშეკრულების კონტროლს (ინსპექტირებას) შემსყიდველის მხრიდან განახორციელებს შპს „საქართველოს გაერთიანებული წყალმომარაგების კომპანიის“ რეპორტინგის დეპარტამენტის უფროსი;

**8.3.** მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან/და ნაკლის ან/და ხარვეზის აღმოფხვრა.

## **9. პირგასამტეხლო ხელშეკრულების პირობების შეუსრულებლობისათვის**

**9.1.** ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02 %-ის ოდენობით;

**9.2.** ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში მიმწოდებელი ჯარიმდება ხელშეკრულების ჯამური ღირებულების 3 (სამი) პროცენტის ოდენობით;

**9.3.** იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს სახელშეკრულებო ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;

**9.4.** პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან;

**9.5.** ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს გაწეული მომსახურების ღირებულებიდან, იმ შემთხვევაში თუ მომსახურება გაწეული არ არის მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შესაბამისი თანხა შემსყიდველის სასარგებლოდ; ხოლო იმ შემთხვევაში თუ გაწეული მომსახურების ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შემსყიდველის სასარგებლოდ საჯარიმო თანხებსა და გაწეული მომსახურების ღირებულებას შორის არსებული სხვაობა.

## **10. ხელშეკრულებაში ცვლილების შეტანა და ხელშეკრულების შეწყვეტა**

**10.1.** ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით მხარეთა შეთანხმების საფუძველზე;

**10.2.** მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

**10.3.** ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## **11. დავები და მათი გადაწყვეტის წესი**

**11.1.** ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით;

**11.2.** მოლაპარაკების დაწყებიდან 10 (ათი) კალენდარული დღის განმავლობაში შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## **12. ფორს-მაჟორი**

**12.1.** ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

**12.2.** ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და ა.შ.;

**12.3.** ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 (სამი) დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ, წინააღმდეგ შემთხვევაში გარემოება არ ჩაითვლება ფორს-მაჟორულად;

**12.4.** მხარეთა პასუხისმგებლობები და ვალდებულებები განაზღვრება ფორს-მაჟორული მდგომარეობის მოქმედების დასრულებისთანავე.

### 13. სხვა პირობები

- 13.1.** არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 13.2.** მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 13.3.** ხელშეკრულება შედგენილია ქართულ ენაზე, ხელმოწერილია კვალიფიციური ელექტრონული ხელმოწერით ან /და დამოწმებულია ელექტრონული შტამპით მხარეთა უფლებამოსილი წარმომადგენლების მიერ;
- 13.4.** ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 13.5.** წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

### 14. ხელშეკრულების მოქმედების ვადა

- 14.1.** ხელშეკრულება ძალაში შედის ხელშეკრულების ხელმოწერის დღიდან და მოქმედებს 2021 წლის 30 სექტემბერის ჩათვლით.

### 15. მხარეთა რეკვიზიტები

#### „შემსყიდველი“

შპს „საქართველოს გაერთიანებული  
წყალმომარაგების კომპანია“  
მისამართი: ქ. თბილისი, ა. პოლიტკოვსკაიას 5/7  
ტელეფონი: 0322 91 90 60  
მომსახურე ბანკი: სს „ლიბერთი ბანკი“  
მომსახურე ბანკის კოდი: 220101480, LBRTGE22  
ანგარიშის ნომერი: GE77LB0113123325230012  
საიდენტიფიკაციო კოდი: 412670097

#### „მიმწოდებელი“

შპს „ერნსტ & იანგი“  
იურიდიული მისამართი: ქ. თბილისი, კ. აფხაზის ქ.  
№ 44  
ტელეფონი: +995 577717139; +995 32 2158811  
მომსახურე ბანკი: სს „თიბისი ბანკი“  
მომსახურე ბანკის კოდი: TBCBGE 22  
ანგარიშის ნომერი: GE17TB0600000022467392  
საიდენტიფიკაციო კოდი: 204441158  
ელ-ფოსტა: zviad.memarnishvili@ge.ey.com

დირექტორი

-----  
  
გრიგოლ მანდარია

დირექტორი

-----  
რუსლან ხოროშვილი